

Heinrich Rahn

**Rector Universitatis Rostochiensis, Henricus Rhane, I.U.D. & Profess. P. Ad Exequias, Quas ... Viro Dn. M. Joachimo Füllebier, Rostochiensis, SS. Theol. Candidato,, Marito su desideratissimo, Moestißima Vidua parat. Cives suos ... vocat**

Rostochi[i]: Kilius, 1638

<http://purl.uni-rostock.de/rosdok/ppn751404225>

Druck Freier  Zugang



Rhane, H.,  
in J. Füllebier.

Rostock. 1638.

24.







RECTOR  
 Universitatis Rostochiensis,  
 HENRICVS RHANE,

J. U. D. & Profefs. P.

AD EXEQVIAS,

Quas

*Eximio & Prestantissimo Viro*

DN. M. JOACHIMO

FÜLLEBIER,

Rostochiensis,

SS. Theol. Candidato,, Marito

suo desideratissimo,

*Mæstissima Vidua parat.*

Cives suos in ædem D. Mariæ ad ho-

ram meridiei primam serio & dili-

genter vocal.



ROSTOCHI,

Typis NICOLAI KILII, Academ. Typogr.

Anno M DC XXXIIX,

HENRICVS RICHARDVS

DR. MEDICINAE

SS. Theol. Candidatus



ROSTOCK

**N**isi me omnia fallunt, Cives  
Academiae, aut aliqua ad-  
huc temporū felicitas est,  
qua dicere liceat, quæ sen-  
tias; quod privatus ex pa-  
tria sua discessit Dn. M. JOACHIMUS  
FÜLLEBIER, raræ eruditionis atque  
probitatis, cætera quoq; præstantissi-  
mus Vir, & SS. Theologiæ Candida-  
tus; CHRISTI Servatoris vaticinio de-  
bet. Qui nescio quàm nimis inspexit  
omnium hominum mores atq; urbes  
vidit. *Nullus autem, inquit ille, Propheta ac-  
ceptus est in patria.* Optandumque esset, ut  
non magis facto commentaremur in  
istam sententiam, quam oratione, nec  
verum in nobis verbum existeret;  
*Dicunt & non faciunt.* Totum verò de no-  
stro FÜLLEBIERO jam diximus, mox di-  
cturi quoq; omnia, quantum & tem-  
poris



poris ratio & nostra conscientia suggerere poterunt. Equidem quamprimum adoptatus à cœlesti Patre in filium gratiæ, symbolon accepit æternæ salutis per Baptismum, quod necesse erat fieri, ut iste evaderet, qualis deinceps cognitus est, tirocinijs literarum ac pietatis domi probe subactus fuit. Neq; enim de alacritate studiorum ac diligentia pueriles anni nobis commendandi sunt, qui à posterioribus longe rectius probantur; neq; patriam ad testimonium primò citabimus, quæ reddito sibi ab exteris Aca-  
demijs huic civi magis luculentum edere poterit. Quapropter à Jena, florentissimo omnibus artibus lyceo, repetemus initia. Quo loco ad maximi nominis Theologum, D. JOHANNEM CERHARDUM, Ecclesiæ nostræ fulcrum  
ac ti-

ac tibicinem quendam divertit, ut interiorē in  
domum admissus, per familiaritatē atq; usum  
tanti viri quotidie doctior evaderet. Mensæ ergo se  
quoq; adungere voluit, ut quam minimū ē con-  
spectu esset illius, cujus dicta omnia factaq; sibi in  
exemplum propositurus esset. Non est prudentius  
institutum boni adolescentis, quam cum istud cō-  
siliū aut suscipit ultrò aut sequitur, Ostendit n.  
rectam indolem, & quæ senum quoq; æmuletur  
judicia; qui nunquam non diffidunt, & tutiora  
omnia interim sectantur. Nulla autē potest com-  
pendiosior ad progressus via esse, quam istos sequi  
ductores, qui longo itinerum usu jam callent, quæ  
in trivijs avia, & quæ ferentes sint, quæ rectæ, quæ-  
que breves semitæ. Sunt enim profecto in literis  
nostris ambages, sunt multa diverticula, errores  
sunt. Quibus cavendis nemo attulerit satis diligen-  
tem curam, nemo rectius consiliū dederit, quàm  
qui à suo aut aliorum exemplo, quid ex usu sit, e-  
doctus est. Omnibus autem vel plerisque docto-  
rum hominum contigit, ut sapere inceperint,  
cum emendari incepta amplius non potuerunt,  
fueritque seria consultatio. Non dicam nunc de  
ceteris studiorum aut totius vitæ scopulis, ad quos  
facile alliditur abq; senum prudentia.  
Cum Scyllæ, & Charybdes, cum vada  
N 13                      fretaq;

fretaq; imò cum Sirenes undiquaq; in cursus no-  
stros vigilant, quodq; terra euntibus accidit, fatu-  
orum ignium circa nos quamplurimum sit, qui-  
bus sive aliqua vi sive spe aut blanditiis decipimur.  
Eadem autem calamitas est in Rempublicam &  
cives, ex quibuscunq; etiã causis exorta sit. Hinc  
enim manat, quod tantum ubiq; sit ineptorum  
hominum, qui sibi vel cœlos credi velint, nun-  
quam verò ipsi ad frugem atq; maturitatem acces-  
serunt, nedum ut aliquid eximium arduumq; in  
illis extet. Ista omnia quam studiosissimè noster  
vitabat. Qui cunctis, quotquot lustravit, Acade-  
miis hoc præcipuè egit, ut quorum cursum semel  
incepisset, eodem animo perageret. Quapropter  
nullibi substitit, ut Clarissimorum virorum con-  
suetudinem non peteret & quam facillime etiam  
demereretur; eaq; ut potiri posset, nō tam fortuna  
opus habuit, quia virtus præstitit. Marpurgi igi-  
tur statim in notitia esse, & amari; Lipsiam perinde  
& Witebergam invisere, non veluti rransfuga aut  
speculator, sed qui iusta stipendia facere & me-  
reri vellet. Inde ad suos rediit, ut expertū se daret.  
Probatu valde, nunquam tamen non neglectus  
est. Nulla nihilominus sese alacritate destituens,  
Batavos petiit, omnis veræ eruditionis nomina,  
atq; inde in Britanniam, celeberrimasq; ejus regni  
ad

ad Academias digressus, ultimo Regiomontium  
adiit, annoq; uno & ferme transacto altero, refer-  
tum scientiis & multarum rerum cognitione pe-  
ctus impendere eo in loco destinavit, cui propter  
natale solum se pariter atq; omnia sua deberet. Ne-  
que habet patria, quod super amore ac virtute Ci-  
vis sui cōqueratur; cujus ista apud nos extant præ-  
clara iudicia, ut invideri profus debeant. Quid  
erat hominis in eruditione, quid in pietate, quid in  
moribus, deniq; in omni vita, quod non dignum  
luculentissimo quodam præmio fuisset? Ipsum il-  
lud matrimonium, quod iniit, quam maximè de-  
monstrabat, quomodo niti virtute, non sanguine,  
non affinitatibus voluerit. Quibus rebus corrup-  
pimus omnia, ipsiq; corrumpimur. Et vixit ille  
tanta cum animorum consensione in matrimo-  
nio, ut quantum exempli editurus in publicum  
fuisset, neminem latere possit. Ipsa illa moestissima  
nunc vidua, nondum unius anni uxor, quam vir-  
ginem tum & castissimam & honesto loco natam  
elegerat, DOROTHEA Wegners/JOHANNIS, viri  
Integerrimi & spectatissimi, civis apud nos prima-  
rii Filia, ingenti cum dolore, quantum in marito  
amiserit, recordatione tam chari capitis, quotidie  
accipit, & vix leniri potest. Præter expectatum  
enim excessit ex hac vita, & quod minime omniū  
per-

persvaderi poterat, ex hujus temporis malignitate.  
Id quod ultimo constitit, cum omnia sese, quæ cir-  
ca hoc malum sunt, ostenderent. Sed fuit tamen  
in quacunq; infirmitate pietatis ac CHRISTI sui  
memor, quem tot suspiriis ac precibus semper in  
ore gerebat, etiam cum non nihil à se alienatus esse  
videbatur. Magnas in illa radices egerat pietas, que  
non rectius sese, quàm in ista cõturbatione ostende-  
bat. Finit autem hanc vitam non prius, quam sibi  
prorsus restitueretur, integraq; cum mente diem  
suum, quem naturæ ac Deo debebat, XIII. hujus  
mensis intra septimam & octavam, animosissime  
obiret. Id quod fecit, superiore XVI. Martii annos  
natus XXXIV, Parentibus JOHANNES & BARBARA  
Regelmans/ civibus optimis ac probe notis.  
Si est apud nos Academiæ Cives, quod maxime  
par videtur, ista optimi Viri recordatio, velut  
conjugi memoria tristissimæ est; non possumus  
Reipubl. causa non vehementer dolere. Et cum  
cetera non usquequaq; ex voto meritoq; succe-  
rint, faciemq; quod neq; patria nunc denegare po-  
test. Quem illa tumulare maluit, nos hodie comi-  
tari non desissemus. Per candorem ergò homi-  
nis, per istam eruditionem, qua præstabat, per ejus  
pietatem obtestor vos atq; oro, SEQUIMINI.

V. B. P. P. 15. Julij, A. C. ∞ Ioc XXXIX.











ad Academias digressus, ultimo Regi  
adiit, annoq; uno & ferme transactio a  
tum scientiis & multarum rerum cog  
ctus impendere eo in loco destinavit,  
natale solum se pariter atq; omnia sua  
que habet patria, quod super amore ad  
vis sui cōqueratur; cuius ista apud nos  
clara iudicia, ut invideri profus debe  
erat hominis in eruditione, quid in piet  
moribus, deniq; in omni vita, quod n  
luculentissimo quodam præmio fuisset  
lud matrimonium, quod iniit, quam n  
monstrabat, quomodo niti virtute, non  
non affinitatibus voluerit. Quibus reb  
pimus omnia, ipsiq; corrumpimur. E  
tanta cum animorum consensione in  
nio, ut quantum exempli editurus in  
fuiisset, neminem latere possit. Ipsa illa  
nunc vidua, nondum unius anni uxor,  
ginem tum & castissimam & honesto lo  
elegerat, D O R O T H E A Wegners/ J O H  
Integerrimi & spectatissimi, civis apud  
rii Filia, ingenti cum dolore, quantum  
amiserit, recordatione tam chari capitis  
accipit, & vix leniri potest. Præter ex  
enim excessit ex hac vita, & quod mini

